

第二八一册

明倫彙編

官常典

戶部部

禮部部

兵部部

(卷)

三八—三三

三四—三六

三九—四〇

古今圖書集成

中華書局影印



古今圖書集成

中華書局影印

欽定古今圖書集成明倫彙編官常典

第三百八卷目錄

戶部彙考二

漢 總一則

後漢 總一則

魏 總一則 文帝黃初一則

晉 總一則

宋 總一則

南齊 總一則

梁 總一則

陳 總一則

北魏 明元帝泰常一則 大武帝始光一則

北齊 總一則

北周 總一則

隋 總一則 文帝開皇三則 煬帝大業二則

唐 總一則

遼 總一則 興宗重熙一則

宋 淳化三則 太宗太平興國二則 端拱一則

官常典第三百八卷

戶部彙考二

漢

漢承秦制設治粟內史以掌穀貨後更大司農列於九卿成帝始設尚書曹而民曹不司錢穀但主凡吏上書事

按漢書百官公卿表治粟內史秦官掌穀貨有兩丞景帝後元年更名大農令武帝太初元年更名大司農屬官有太倉均輸平準都內籍田五令丞幹官鐵

市兩長丞又郡國諸倉農監都木六十五官長丞皆屬焉驛粟都尉武帝軍官不常置王莽改大司農曰義和後更為納言初幹官屬少府中屬主爵後屬大司農

注孟康曰均輸謂諸官所有輸於官者皆令輸其地土所饒平其所在特買官更於他處賣之輸者既便而官有利也如淳曰幹音筦或作幹幹主也主均輸之事所謂幹鹽鐵而權酒酤也服虔曰駿音搜狩之搜搜索也

少府泰官掌山海池澤之稅以給共養有六丞

注應劭曰名曰禁錢以給私養自別為藏少者小也故稱少府師古曰大司農供軍國之用少府以養天子也

屬官有尚書令丞成帝建始四年初置尚書員五人有四丞

按後漢書百官志成帝初置尚書四人分為四曹常侍曹尚書主公卿事二千石曹尚書主郡國二千石事民曹尚書主凡吏上書事客曹尚書主外國夷狄事

注蔡質漢舊儀曰民曹典繕治功作監池苑園盜賊事

按續文獻通考漢成帝置尚書五曹其三為民曹主財帛委輸并吏人上書事

後漢

後漢設大司農掌錢穀金帛貨幣太倉平準導官庫擬諸令市長倉官皆屬之又少府設民曹尚書曹有侍郎令史但主凡吏上書而以財用庫藏屬之僕射

右丞

按後漢書百官志大司農卿一人中二千石本注曰掌諸錢穀金帛諸貨幣幣郡國四時上月旦見錢穀簿其通未畢各具別之邊郡諸官請調度者皆為報給損多益寡取相給足

注漢官曰員吏百六十四人其十八人四科九人斗食十六人二百石文學二十人百石二十五人佐七十五人學事一人官醫丞一人比千石部丞一人六百石本注曰部丞主帝藏

注古今注曰建初七年七月為大司農置丞一人秩千石別主帝藏則部丞應是而秩不同應劭漢官秩亦云二千石

太倉令一人六百石本注曰主受郡國傳漕穀丞一人

注漢官曰員吏九十九人平準令一人六百石本注曰掌知物賈主練染作采色丞一人

注漢官曰員吏百九十九人導官令一人六百石本注曰主春御米及作乾糲導擇也丞一人

注漢官曰員吏百一十二人右屬大司農本注曰郡國鹽官鐵官本屬司農中與皆屬郡縣

注魏志曰曹公置典農中郎將秩二千石典農都尉秩六百石或四百石典農校尉秩比二千石所主如中郎部分別而少為校尉丞

又有獻犧令六百石掌祭祀犧牲薦薦之屬

注漢官曰丞一人三百石員吏四十人其十一人斗食十七人佐七人學事五人守學事皆河南屬縣給吏者

及雒陽市長

注漢官曰市長一人秩四百石丞一人二百石明法補員吏三十六人十三人百石畜夫十一人斗食十二人佐又有概權丞三百石別治中水官主水渠在馬市東有員吏六人

榮陽救倉官中與皆屬河南尹餘均輸等皆省

注均輸者前書孟康注曰謂諸當所有輸於官者皆令輸其土地所饒平其所在時賈官更於他處貨之輸者既便而官有利鹽鐵論大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠方之貢故曰均輸開委府於京師以範貨物賤則賈實則賈是以縣官不失實商賈無所利故曰平準平準則民不失職均輸則民不劬勞故平準均輸所以平萬物而便百姓也文學曰古之賦稅於民也因其所工不求所拙農人納其穫工女効其織今釋其所有責其所無百姓賤買貨物以便上求問者郡國或令民作布絮吏留難與之爲市吏之所入非獨齊陶之縑蜀漢之布也亦民間之所爲耳行姦賣平農民重苦必苦女工繭稅未見輸之均也縣官侵發閭閻市廛卽萬民並收並收則物騰躍騰躍則商賈利自市則吏客姦豪吏富商積貨儲物以待其急輕賈姦吏收以取貴未見準之平也蓋

古之均輸所以齊勞逸而便貢輸非以爲利而賈萬物也王隆小學漢官篇曰調均報度輸漕委輸胡廣注曰邊郡諸官請調者皆爲調均報給之也以水通輸曰漕委積也郡國所積聚金帛貨賄隨時輸送諸司農曰委輸以供國用前書又有都內籍田令丞幹官鐵市南長丞郡國諸倉農監六十五官長丞皆屬之

尚書僕射一人六百石本注曰署尚書事令不在則奏下衆事

注蔡質漢儀曰僕射主封門掌授廩假錢穀臣昭案獻帝分置左右僕射建安四年以榮卻爲尚書左僕射是也

尚書六人六百石本注曰成帝初置尚書四人分爲四曹常侍曹尚書主公卿事二千石曹尚書主郡國二千石事民曹尚書主凡吏上書事各曹尚書主外國夷狄事

注蔡質漢舊儀曰典繕治功作監池苑園盜賊事世祖承遵後分二千石曹又分客曹爲南主客曹北主客曹凡六曹

左右丞各一人四百石本注曰掌錄文書期會左丞主吏民章報及騶伯史右丞假署印綬及紙筆墨諸財用庫藏

注蔡質漢儀曰左丞與僕射對掌授廩假錢穀侍郎三十六人四百石本注曰一曹有六人主作文書起草

令史十八人二百石本注曰曹有三主書後增劇曹三人合二十一

注古今注曰永元三年七月增尚書令史員功滿未嘗犯禁者以補小縣墨綬蔡質曰皆選蘭臺符節上稱簡精練有吏能爲之決錄注曰故事尚書郎以令史久缺補之世祖始改用孝廉爲郎

右屬少府本注曰凡山澤陂池之稅名曰禁錢屬少府世祖改屬司農

魏

魏始設左民度支兩尚書而曹郎有金部度支庫部農部倉部民曹之屬

按晉書職官志魏改選部爲吏部主選部事又有左民客曹五兵度支凡五曹尚書二僕射一令爲八座魏尚書郎有殿中吏部駕部金部鷹曹比部南主客祠部度支庫部農部水部儀曹三公倉部民曹二千石中兵外兵都兵別兵考功定課凡二十三郎青龍二年尚書陳矯奏置都官騎兵合凡二十五郎每一郎缺曰試諸孝廉能結文案者五人謹封奏其姓名以補之

文帝黃初元年冬十一月癸酉改大農爲大司農按三國志魏文帝本紀云云

晉

晉設大司農又設田曹度支左民三尚書以右丞掌庫藏而曹郎又有金部倉部度支左民右民庫部運曹之屬

按晉書職官志太常光祿勳衛尉太僕廷尉大鴻臚宗正大司農少府將作大匠太后三卿大長秋皆爲

列卿各置丞功曹主簿五官等員大司農統大算導
官二令襄國都水長東西南北部護漕掾及渡江京
帝省并都水孝武復置

晉列曹尚書置吏部三公客曹駕部屯田度支六曹
而無五兵咸寧二年省駕部尚書四年省一僕射又
置駕部尚書太康中有吏部殿中及五兵田曹度支
左民爲六曹尚書又無駕部三公客曹惠帝世又有
右民尚書止於六曹不知此時省何曹也及渡江有
吏部祠部五兵左民度支五尚書

左右丞自漢武帝建始四年置尚書而便置丞四人
及光武始減其二唯置左右丞左右丞蓋自此始也
自此至晉不改晉左丞主臺內禁令宗廟祠祀朝儀
禮制選用署吏急假右丞掌臺內庫藏廩舍凡諸器
用之物及廩振人租布刑獄兵器督錄遠道文書章
表奏事八座郎初拜皆沿漢舊制並集都座交禮還
職又解交焉

晉受命武帝罷農部定課置直事殿中祠部儀曹吏
部三公比部金部倉部度支都官二千石左民右民
虞曹屯田起部水部左右主客駕部車部庫部左右
中兵左右外兵別兵都兵騎兵左右士北主客南主
客爲三十四曹郎後又置運曹凡三十五曹置郎二
十三人更相統攝及江左無直事右民屯田車部別
兵都兵騎兵左右士運曹十曹郎康穆以後又無虞
曹二千石二郎但有殿中祠部吏部儀曹三公比部
金部倉部度支都官左民起部水部主客駕部庫部
中兵外兵十八曹郎後又省主客起部水部餘十五
曹云

宋

宋設大司農統太倉籍田導官諸令又有度支左民
二尚書分統度支諸曹郎

按宋書百官志大司農一人丞一人掌九穀六畜之
供膳羞者舜攝帝位命棄爲后稷即其任也周則爲
太府秦治粟內史漢景帝後元年更名大農令武帝
太初元年更名曰大司農晉哀帝末省并都水孝武
世復置漢世丞二人魏以來一人
太倉令一人丞一人秦官也晉江左以來又有東倉
石頭倉丞各一人

導官令一人丞一人掌春御米漢東京置導擇也擇
米令精也司馬相如封禪書云導一莖六穗於庖
籍田令一人丞一人掌耕宗廟社稷之田於周爲甸
師漢文帝初立籍田令丞各一人漢東京及魏並不
置晉武太始十年復置江左省宋太祖元嘉中又置
自太倉至籍田令竝屬司農

度支尚書領度支金部倉部起部四曹
左民尚書領左民駕部二曹
晉西朝則直事殿中祠部儀曹吏部三公比部金部
倉部度支都官二千石左民右民虞曹屯田起部水
部左主客右主客駕部車部庫部左中兵右中兵左
外兵右外兵別兵都兵騎兵左士右士北主客南主
客爲三十四曹郎後又置運曹凡三十五曹晉江左
初無直事民^{按晉志民}屯田車部別兵都兵騎兵左
士右士運曹十曹郎而主客中兵各置一郎而已所
餘十七曹也康穆以來又無虞曹二千石二郎猶有
殿中祠部吏部儀曹三公比部^{按晉志比部}倉部度

支都官左民起部水部主客駕部庫部中兵^{按晉志}
兵^{有外}十八曹郎後又省主客起部水部餘十五曹宋
高祖初加置騎兵主客起部水部四曹郎合爲十九
曹太祖元嘉十年又省儀曹主客比部騎兵四曹郎
十一年又並置十八年增刪定曹郎次在左民曹上
蓋魏世之定科郎也三十年又置功論郎次都官之
下在刪定之上太宗世省騎兵今凡二十曹郎以三
公比部主法制度支主算支派也度景也都官主軍
事刑獄其餘曹所掌各如其名

南齊

南齊設大司農領太倉籍田導官諸令而度支尚書
領四曹左民尚書領二曹都官尚書亦領庫部又以
右丞掌庫藏穀帛之事

按南齊書百官志大司農府置丞一人領官如左
太倉令一人丞一人
導官令一人丞一人
籍田令一人丞一人

度支尚書領度支金部倉部起部四曹
左民尚書領左民駕部二曹
都官尚書領都官水部庫部功論四曹
右丞一人掌兵士百工補役死叛考代年老疾病解
遣其內外諸庫藏穀帛刑學創業諍訟田地船乘稟
拘兵工死叛考別討補差分百役兵器諸營署人領
州郡租布人民戶移徙州郡縣併帖城邑民戶割屬
刺史二千石令長尉破收及免贈文武諸犯削官事
武庫令一人屬庫部

梁

梁設司農卿以掌農功倉廩仍設度支尚書以司財賦而左戶亦屬起部左丞亦掌臺藏又增置金部左戶部令史

按隋書百官志梁初猶依宋齊皆無卿名天監七年以太常為太常卿加置宗正卿以大司農為司農卿

三卿是為春卿皆置丞及功曹主簿司農卿位視散騎常侍主農功倉廩統太倉導官籍田上林令又管

樂遊北苑丞左右中部三倉丞苑庫苑庫丞湖西諸屯主天監九年又置勸農謁者視殿中御史

尚書省置令左右僕射各一人又置吏部祠部度支左戶都官五兵等六尚書左右丞各一人吏部刪定

三公比部祠部儀曹虞曹主客度支殿中金部倉部左戶駕部起部屯田都官水部庫部功論中兵外兵

騎兵等郎二十二人令史百二十人書令史百三十人

起部尚書營宗廟宮室則權置之舉則省以其事分屬都官左戶二尚書

右丞掌臺內藏及廬舍凡諸器用之物

天監九年詔曰尚書五都職參政要非但總領衆局亦乃方軌二丞頃雖求才未臻妙簡可革用士流每

盡時彥庶同持領秉此羣目於是五都令史視奉朝請其年以太學博士劉納兼殿中都司空法曹參軍

劉顯兼吏部都太學博士孔虔孫兼金部都司空法曹參軍蕭軌兼左戶都督殺墨曹參軍王顯兼中兵

都五人並以才地兼美首膺茲選矣

陳

陳承梁置司農卿度支等尚書

按隋書百官志陳承梁皆循其制官其所制品秩司農卿秩中二千石品第三列曹尚書秩二千石品第三尚書左右丞秩六百石品第四

北魏

明元帝泰常二年置地部大人

按魏書太宗本紀不載按官氏志泰常二年夏置六部大人官有天府地部東西南北部皆以諸公為

之大人置三屬官

太武帝始光元年正月置右民尚書

按魏書世祖本紀不載按官氏志云云

孝文帝太和四年十二月置太倉庫部都牧曹

按魏書高祖本紀不載按官氏志云云

按杜佑通典後魏庫部郎中屬度支尚書掌凡戎仗器用

太和

年詔議官制定大司農卿及度支等尚書以下階品

按魏書高祖本紀不載按官氏志自太祖至高祖初其內外百官屢有減置或事出當時不為常目舊

令亡失無所依據太和中高祖詔羣寮議定百官著於令大司農卿第二品上列曹尚書第二品中大同

農少卿第三品上尚書郎中第五品上大同農丞尚書郎從第五品中主事郎從第六品上都令史主書

令史第七品上

按杜佑通典後魏度支尚書掌支計

注崔亮為度支尚書經營費用歲減億計

有太倉尚書有戶部郎尚書諸司置主事令史

注李訢為太倉尚書攝南部事令千里之外戶別

轉運諸倉輸之所在委積延停歲月大為困弊太和二十三年復次大司農卿等官職令

按魏書高祖本紀不載按官氏志二十三年高祖復次職令及帝崩世宗初班行之以為永制列曹尚

書大司農卿第三品大司農少卿第四品上階尚書郎中第六品下階大司農丞第七品上階尚書都令

史主書令史從第八品上階

北齊

北齊設度支尚書統度支等六曹仍設司農寺統太倉典農諸令

按隋書百官志後齊尚書省置吏部殿中祠部五兵都官度支等六尚書六尚書分統列曹度支統度支

倉部左戶右戶金部庫部六曹

注度支掌計會凡軍國損益事役糧廩等事倉部掌諸倉帳出入等事左戶掌天下計帳戶籍等事

右戶掌天下公私田宅租調等事金部掌權衡量度內外諸庫藏文帳等事庫部掌凡是戎仗器用

所須事

司農寺掌倉市薪菜園池果實統平準太倉鉤盾典農導官梁州水次倉石濟水次倉籍田等署令丞而

鉤盾又別領大園上林遊獵柴草池藪首宿等六部丞典農署又別領山陽平頭督亢等二部丞導官署

又有御細部麴麵部典庫部等倉督員

北周

北周依周禮連六官地官府領司徒衆職

按周書盧辯傳太祖欲行周官命蘇綽專掌其事未幾而綽卒乃令辯成之於是依周禮建六官置公卿

大夫士地官府領司徒等衆職以魏恭帝三年始命行之

按隋書食貨志後周太祖作相創制六官載師掌任土之法辨夫家田里之數會六畜車乘之稽審賦役斂施之節制畿疆修廣之域頒施惠之要審牧產之政司均掌田里之政令司賦掌功賦之政令司役掌力役之政令掌鹽掌四鹽之政令司倉掌九穀之物以量國用

按杜佑通典後周置大司徒卿一人其屬有民部中大夫二人掌承司徒教以籍帳之法贊計人民之衆寡又有小司徒中大夫有地官屬司倉下大夫有司農上士一人掌三農九穀稼穡之政令有平準中士下士

隋

隋設度支尚書統度支等侍郎司農寺卿統太倉典農諸令

按隋書百官志高祖既受命改周之六官其所制名多依前代之法置尚書省司農寺尚書省度支尚書統度支戶部侍郎各二人金部倉部侍郎各一人司農寺卿少卿各一人丞五人主簿二人錄事四人統太倉典農平準廩市鈎盾華林上林導官等署各置令二人鈎盾上林則加至三人華林惟置一人太倉又有米廩督二人穀倉督四人鹽倉督二人京市有肆長四十人導官有御細倉督二人麴麴倉督二人等員度支尚書司農卿爲正三品司農少卿爲正四品度支侍郎爲正六品司農寺丞爲正七品平準鈎盾太倉典農京市署令爲正八品華林上林導

官署令爲從八品上階平準鈎盾太倉典農京市署丞爲正九品華林上林導官署丞爲從九品

文帝開皇三年改度支尚書爲戶部尚書諸曹侍郎加爲從五品廢光祿寺及都水臺入司農

按隋書高祖本紀不載按百官志云云

開皇六年置戶部員外郎

按隋書高祖本紀不載按百官志開皇六年尚書省二十四司各置員外郎一人以司其曹之籍帳侍郎闕則釐其曹事

開皇十四年置戶部主事令史員

按隋書高祖本紀不載按百官志十四年諸省各置主事令史員

煬帝大業三年更定官制改戶部郎爲人部郎司農寺置二少卿

按隋書煬帝本紀不載按百官志煬帝即位多所改革三年定令尚書省六曹各侍郎一人以武尚書之職正四品諸曹侍郎並改爲郎又改吏部爲選部郎戶部爲人部郎禮部爲儀曹郎兵部爲兵曹郎刑部爲憲部郎工部爲起部郎以異六侍郎之名廢諸司員外郎而每增置一曹郎各爲二員都司郎各一人品同曹郎掌都事之職以都事爲正八品分隸六尚書諸司主事並去令史之名其令史隨曹開闢而置每十令史置一主事不滿十者亦置一人尋又每減一郎置承務郎一人同員外之職光祿已下八寺卿皆降爲從三品少卿各加置二人爲從四品諸寺上署令並增爲正六品中署令爲從六品下署令爲正七品始開皇中署司唯典掌受納至是署令爲

判首取二卿判丞唯知勾檢令闕承判司農但統上林太倉鈎盾導官四署罷典農華林二署而以平準京市隸太府

大業五年司農寺丞增爲從五品

按隋書煬帝本紀不載按百官志五年光祿已下八寺丞並增爲從五品

唐

唐始設戶部尚書侍郎二人佐之有戶部度支金部倉部之屬並設郎中員外郎主事諸員

按唐書百官志唐之官制其名號祿秩雖因時增損而大抵皆沿隋故尚書省其屬有六尚書二曰戶部

戶部尚書一人正三品侍郎二人正四品下掌天下土地人民錢穀之政貢賦之差其屬有四一曰戶部

二曰度支三曰金部四曰倉部

戶部郎中二人從五品上員外郎從六品上掌戶口土田賦役貢獻蠲免復婚繼嗣之事以男女之

黃小中丁老爲之帳籍以永業口分園宅均其土田以租庸調斂其物以九等定天下之戶以爲尚書侍郎之貳其後以諸行郎官判錢穀而戶部度支郎官

失其職矣會昌二年著令以本行郎官分判錢穀戶部巡官二人主事四人度支主事二人金部主事三人倉部主事三人從九品上以主事令史書令史署

覆文案出符目以亭長啓開傳禁約以掌固守當倉庫及陳設

注高宗即位改民部曰戶部龍朔二年改戶部曰司元度支曰司度金部曰司珍倉部曰司庾光宅

元年改戶部曰地官天寶十一載改金部曰司金

倉部曰司儲有戶部令史十七人書令史三十四人計史一人亭長六人掌固十人度支令史十六人書令史三十三人計史一人掌固四人金部主事三人令史十人書令史二十一人計史一人掌固四人倉部令史十二人書令史二十三人計史一人掌固四人

度支郎中員外郎各一人掌天下租賦物產豐約之宜水陸道涂之利歲計所出而支調之以近及遠與中書門下議定乃奏

金部郎中員外郎各一人掌天下庫藏出納權衡度量之數南京市互市和宮市交易之事百官軍鎮蕃客之賜及給官人王妃官奴婢衣服

倉部郎中員外郎各一人掌天下軍備出納租稅祿糧倉廩之事以木契百合諸司出納之數以義倉常平倉備凶年平穀價

司農寺卿一人從三品少卿二人從四品上掌倉儲委積之事總上林太倉鉤盾樂官四署及諸倉司竹諸湯宮苑鹽池諸屯等監凡京都百司官吏祿粟朝會祭祀所須皆供焉籍田則進耒耜六人從六品

上總判寺事凡租及稟結至京都者閱而納焉官戶奴婢有技能者配諸司婦人入掖庭以類相偶行宮監牧及賜王公公主皆取之凡孳生雞彘以戶奴婢課養俘口則配輕使始至給粟食主簿二人從七品上錄事二人

注 龍朔二年改司農寺曰司稼寺有府二十八人史七十六人計史三人亭長九人掌固七人

按六典司農卿之職掌邦國倉儲委積之事統上林

太倉鉤盾樂官四署與諸監之官屬謹其出納而修其職務少卿爲之貳凡京都百官吏祿粟皆仰給焉

遼制北南二大王府掌部族軍民之政後設南面朝官尚書省始具戶部長貳曹郎之職而司農寺置卿以下諸員

按遼史百官志遼國官制分北南院北面治宮帳部族屬國之政南面治漢人州縣租賦軍馬之事因俗而治得其宜矣初太祖分迭刺夷離董爲北南二大王謂之北南院宰相其實所治皆北面之事北南二王視戶部

契丹北大王府分掌部族軍民之政

北院大王初名迭刺部夷離董太祖分北南院太宗會同元年改夷離董爲大王

知北院大王事

北院太師

北院太保

北院司徒
北院司空
北院郎君
北院都統軍司掌北院從軍之政令
北院統軍使
北院副統軍使
北院統軍都監
北院詳穩司掌北院部族軍馬之政令
北院詳穩
北院都監

北院將軍
北院小將軍
北院都部署司掌北院部族軍民之事

北院都部署
北院副部署
南大王院分掌部族軍民之政

南面大王
知南院大王事

南院太師
南院太保天慶八年省南院太保

南院司徒
南院司空
南院郎君
南院都統軍司掌南院從軍之政令

南院統軍使
南院副統軍使
南院統軍都監
南院詳穩司掌南院部族軍馬之政令

南院詳穩
南院都監
南院將軍
南院小將軍

南院都部署司掌南院部族軍民之事
南院都部署
南院副部署

南面朝官 遼有北面朝官矣既得燕代乃用唐制復設南面三省六部臺院寺監諸衛東宮之官

尚書省戶部職名總目

尚書

侍郎

郎中

員外郎

司農寺職名總目

卿

少卿

丞

主簿

與宗重熙二十年冬十一月甲子命東京留守司總

領戶部內省事

按遼史與宗本紀云云

宋

宋初設三司使總鹽鐵度支戶部之事元豐後始罷

三司歸於戶部以司農寺掌倉儲委積之政令以太

府寺掌邦國財貨之政令

按宋史職官志三司使 副使 判官 鹽鐵使

度支使 戶部使 三部副使 三部判官

三司之職國初沿五代之制置使以總國計應四方

貢賦之入朝廷不預一歸三司通管鹽鐵度支戶部

號曰計省位亞執政目爲計相其恩數廩祿與參樞

同太平興國八年分置三使淳化四年復置使一員

總領三部又分天下爲十道曰河南河東關西劍南

淮南江南東西兩浙廣南在京東曰左計京西曰右

計置使二員分掌俄又置總計使判左右計事左右

計事判十道事凡干涉計度者三使共議之五年罷

十道左右計使復置三部使咸平六年罷三部使復

置三司一員闕正使則以給諫以上權使事使一人

以兩省五品以上及知制誥雜學士學士充亦有輔

臣罷政出外召還充使者使闕則有權使事又闕則

有權發遣公事掌邦國財用之大計總鹽鐵度支戶

部之事以經天下財賦而均其出納焉

凡奏事及大事悉置案奏牒常事止置案太平

與國初以賈琰爲三司副使七年以侯陟王明同

判三司遂省副使

鹽鐵掌天下山澤之貨關市河渠軍器之事以資邦

國之用

度支掌天下財賦之數每歲均其有無制其出入以

計邦國之用

戶部掌天下戶口稅賦之籍權酒工作太儲之事以

供邦國之用

副使以員外郎以上歷三路轉運及六路發運使充

判官以朝官以上會歷諸路轉運使提點刑獄充

三部副使各一人通簽逐部之事

舊以員外郎以上充端拱初省淳化三年復置

又省至道初又置眞宗即位副使遷官遂罷之咸

平六年復置

三部判官各三人分掌逐案之事

舊以朝官充國初承舊制每部判官一人乾德

四年三部各置推官一人太平興國三年諸案置

推官或巡官以朝官充四年三司止置判官一人

推官三人及分十道二計各置判官一人五年廢

十道三部各置判官一人

三部各有孔目官一人人都勾押官一人勾覆官四人

鹽鐵分掌七案一曰兵案

掌衙司軍將大將四排岸司兵卒之名籍及庫

務月帳吉凶儀制官吏宿直諸州衙吏胥吏之遷

補本司官吏功過三部胥吏之名帳及刑獄造船

捕盜亡逃絕戶資產禁錢景德三年併度支案爲

刑案

二曰曹案

掌修護河渠給造軍器之名物及軍器作坊弓

弩院諸務諸李料籍

三曰商稅案四曰都鹽案五曰茶案六曰鐵案

掌金銀銅鐵朱砂白礬綠礬石炭錫鼓鑄

七曰設案

掌旬設節料齋錢餐錢羊豕米麵薪炭陶器等

物

度支分掌八案一曰賞給案

掌諸給賜賻贈例物口食內外春冬衣時服綾

羅紗縠綿布鞋席紙染料市舶權物務三府公吏

二曰錢帛案

掌軍中春冬衣百官奉祿左藏錢帛香藥權易

三曰糧料案

掌三軍糧料諸州芻粟給受諸軍校口食御河

漕運商人飛錢

四曰常平案

掌諸州平糴大中祥符七年置主吏七人

五曰發運案

掌汴河廣濟蔡河漕運橋梁折斛三稅

六日騎案

注掌諸坊監院務飼養牛羊馬畜及市馬等

七日斛斗案

注掌兩京倉廩積計度東京糧料百官祿粟廚料

八日百官案

注掌京朝幕職官奉料祠祭禮物諸州驛料

戶部分掌五案一曰戶稅案

注掌夏稅

二曰上供案

注掌諸州上供錢帛

三曰修造案

注掌京城工作及陶瓦八作排岸作坊諸庫簿帳

勾校諸州營壘官廨橋梁竹木簿筏

四曰鞠案

注掌權酷官類

五曰水糧案

注掌勾校百官諸軍諸司奉料春冬衣祿粟茶鹽

糗醬俸糧等

三部諸案並與本部都孔目官以下分掌

三部勾院判官各一人以朝官充掌勾稽天下所申

三部金穀百物出納帳籍以察其差殊而關防之鹽

鐵院度支院戶部院勾覆官各一人

都磨勘司

注端拱九年置

判司官一人以朝官充掌覆勾三部帳籍以驗出入之數

都主轄支收司

注淳化三年置

判司官以判磨勘司官兼掌官物已支未除之數候

至所受之處附籍報所由司而對除之天下上供物

至京即日奏之納畢取其鈔以還本州

拘收司

注咸平四年置

以判磨勘司兼掌凡收支財利未結絕者籍其名件

而督之

都理欠司

注雍熙三年三部各置理欠有勾簿司景德四年

廢

判司官一人以朝官充掌理在京及天下欠負官物

之籍皆立限以促之

都憑由司以判都理欠司官兼掌在京官物支破之

事凡部支官物皆覆視無虛謬則印署而還之支訖

復據數送勾而銷破之

開拆司判司官一人以朝官充掌受宣敕及諸州申

牒之籍發放以付三部兼掌發放勾鑿催驅受事

發放司掌受三司帖牒而下之

注太平興國中置

勾鑿司掌勾校三部公事簿帳

催驅司掌督京城諸司庫務未帳京畿倉場庫務月

帳憑由送勾及三部支訖內外奉祿之事

受事司掌諸處解送諸色名籍以發付三部

衙司管轄官二人以判開拆司官及內侍都知押班

充掌大將軍將名籍第其勞而均其役使

勾當公事官二員以朝官充掌分左右廂檢計定奪點檢覆驗估剝之事

三司推勘公事一人以京朝官充掌推勘諸部公事

勾當諸司馬步軍糧料院官各一人以京朝官充掌

文武官諸司諸軍給受奉料批書券曆諸倉庫案驗

而廩賦之

勾當馬步軍專勾司官一人以京朝官充

注舊以三班

掌諸軍兵馬逃亡收併之籍諸司庫務給受之數審

較其欺詐批曆以送糧料院

以上並屬三司元豐官制行罷三司使並歸戶部

戶部國初以天下財計歸之三司本部無職掌止置

判部事一人以兩制以上充以受天下土貢元會陳

於庭元豐正官名始並歸戶部掌天下人戶土地錢

穀之政令貢賦征役之事以版籍考戶口之登耗以

稅賦持軍國之歲計以土貢辦郡縣之物宜以征權

抑兼井而佐調度以孝義婚姻繼嗣之道和人心以

田務券責之理直民訟凡此歸於左曹以平常之法

平豐凶時斂散以免役之法通貧富均財力以伍保

之法聯比閭察盜賊以義倉賑濟之法救饑饉恤艱

阨以農田水利之政治荒廢務稼穡以坊場河渡之

課酬勤勞省科率凡此歸於右曹尚書置都拘轄司

總領內外財賦之數凡錢穀帳籍長貳選吏鈎考其

屬三曰度支曰金部曰倉部照軍中以知樞密院陳

升之參知政事王安石制置條例建官設屬取三司

條例看詳具所行事付之三年罷歸中書以常平免

役農田水利新法歸司農以胃案歸軍器監修造歸

將作監推勘公事歸大理寺帳司理欠司歸比部衙
司歸都官坑冶歸虞部而三司之權始分矣元豐官
制行罷三司歸戶部左右曹而三司之名始泯矣凡
官十有三尚書一人侍郎二人郎中員外郎左右曹
各二人度支金部倉部各二人元祐初侍郎司馬光
言天下錢穀之數五曹各得支用戶部不知出納見
在無以量入爲出乞令尚書兼領左右曹錢穀財用
事有散在五曹寺監者並歸戶部使尚書周知其數
則利權歸一若選用得人則天下之財庶幾可理詔
尚書省立法三年三省言大理寺右治獄並罷依三
司舊例戶部置推勘檢法官治在京官司凡錢穀事
增置幹當公事二員紹聖元年罷戶部幹當公事置
提舉管幹官復行免後義倉釐正左右曹職依原定
官制三年右曹令侍郎專領尚書不與建中靖國元
年復幹當公事官二員政和二年五月詔依神宗官
制委右曹侍郎專主行常平自今許本部直達奏裁
又詔依熙豐舊制本部置都拘轄司總領戶度金倉
四部財賦宣和六年詔戶部辟官依元豐法

尚書侍郎掌軍國用度以周知其出入盈虛之數凡
州縣廢置戶口登耗則稽其版籍若貢賦征稅斂散
移用則會其數而頒其政令焉凡四司所治之事侍
郎爲之貳郎中員外郎參領之獨右曹事專隸所掌
侍郎若事屬本曹郡縣監司不能直者受其訟焉大
饗祀薦饌則尚書奉俎飲福則徹之朝會則奏貢物
左曹分案五置吏四十右曹分案五置吏五十有六
建炎兵興嘗以知樞密院張懋提領措置戶部財用
後遷中書侍郎仍兼之五年復以參知政事孟庚提

領措置後罷專委戶部長貳左曹分案三曰戶口掌
凡諸路州縣戶口升降民間立戶分財科差人丁典
賣屋業陳告戶絕索取妻男之訟曰農田掌農田及
田訟務限奏豐稔驗水旱蟲蝗勸課農桑請佃地土
令佐任滿賞罰繳奏諸州雨雪檢按災傷傷逃絕人戶
曰檢法掌凡本部檢法之事設科有三曰二稅掌受
納驅磨隱匿支移折變曰房地掌諸州樓店務房廊
課利僧道免丁錢及土貢獻物曰課利掌諸軍酒課
比較增虧知通等職位姓名人戶買撲鹽場酒務租
額酒息賣田投納牙契外有開折知雜司右曹分案
六曰常平掌常平農田水利及義倉振濟戶絕田產
居養鰥寡孤獨之事曰免役曰坊場曰平準各隨其
名而任其事曰檢法曰知雜裁減吏額左曹四十人
右曹二十人淳熙十年詔左藏南庫撥隸戶部舊制
戶部侍郎二人中典初止除長貳各一員或止除尚
書若侍郎一員紹興四年七月詔戶部侍郎二員通
治左右曹自此相承不改

郎中左曹 員外郎掌分曹治事建炎三年詔省併
郎曹惟戶部五司以職事煩劇不併仍各置一員紹
興中專置提舉帳司總天下帳狀以戶部左曹郎官
兼之右曹歲具常平錢物總數每秋季具冊以聞初
置主管左右曹總稱戶部郎官紹興七年閻彥昭以
太府寺丞兼左曹郎官紹興三十二年徐康正除左
曹郎官自是相承不改是年又詔戶部事有可疑難
裁決者許長貳與衆郎官聚議文字皆令連書有定
議然後付本曹行遣
度支郎中 員外郎參掌計度軍國之用量貢賦稅

租之人以爲出凡軍須邊備會其盈虛而通其有無
若中外祿賜及大禮賞給皆前期以辦歲終則會諸
路財用出入之數奏於上而以其副申尚書省凡小
事則擬畫大事諮其長貳應申請更改舉行勘審者
則先檢詳供其分案六置吏五十有一凡上供有額
封樁有數科買有期皆掌之有所漕運則計程而給
其直凡內外支供及奉給驛券賞賜衣物錢帛先期
擬度時而予之分案五曰度支曰發運曰支供曰賞
賜曰知雜乾道四年置倉稽都籍度交掌之裁減吏
額置五十人淳熙十三年又減四人

金部郎中 員外郎參掌天下給納之泉幣計其歲
之所輪歸於受藏之府以待邦國之用勾考平準市
舶權易商稅香茶鹽礬之數以周知其登耗視歲額
增虧而爲之賞罰凡綱運滯滯及負折者計程帳催
理凡造度量權衡則頒其法式合同取索及奉給時
賜審覆而供給之分案六曰左藏曰右藏曰錢帛曰
權易曰請給曰知雜裁減吏額共置六十人淳熙十
三年又減四人

倉部郎中 員外郎參掌國之倉庾儲積及其給受
之事凡諸路收糴折納以時舉行漕運上供封樁以
時催理應供輸中都而有登耗則比較以聞歲以應
用芻粟前期報度支均定支移折變之數其在河北
陝西河東路者書其所支歲月季一會之若內外倉
場帳籍供申愆期則以法究治分案六置吏二十有
四元祐元年四月省郎官一員十月復置分案六曰
會場曰上供曰糴糴曰給納曰知雜曰開拆建炎三
年罷司農寺歸倉部紹興四年復舊裁減吏額共置

二十五人續又減二人

司農寺 舊置判寺事二人以兩制朝官以上充主簿一人以選人充掌供藉田九種大中小祀供禾及蔬果明房油與平糶利農之事元豐官制行始正職掌置卿少卿丞主簿各一人卿掌倉儲委積之政令總苑囿庫務之事而謹其出納少卿爲之貳丞參領之凡京都官吏祿廩辨其精粗而爲之等諸路歲運至京師遣官閱其名色而分納於倉庾稟結則歸諸場歲具封樁月具見存之數奏聞給兵食則進呈糧樣因出納而受賂刻取者嚴其禁有負欠者計其虧數上於倉部凡諸路奏雨雪之闕與過多者皆籍之凡苑囿行幸排比及薦饗進御頒賜植藏之物戒有司先期辦具造餼藥儲薪炭以待給用天子親耕籍田有事於先農則卿奉耒耜少卿率屬及庶人以終千畝分案六置吏十有八初熙寧二年置制置條例司立常平斂散法遣諸路提舉官推行之三年五月詔制置司均通天下之財以常平新法付司農寺增置丞簿而農田水利免役保甲等法悉自司農講行初以太子中允呂惠卿判司農寺改同判寺胡宗愈爲兼判四年以御史知雜鄧綰判寺會布同判詔諸路提舉常平官課績田寺考校升出管幹官令提舉司保明計功賞之六年以司農間遣屬官出視諸路力有不給乃置幹當公事官以葉康直等四人爲之七年本寺言所主行農田水利免役保甲之法措置未盡官吏推行多違法意欲榜諭官私使人陳述有司違法從寺按察九年以幹當公事官所至輒用喜怒罷之從熊本請也元豐四年減丞一三簿三官制

行寺監不治外事司農事舊職務悉歸戶部右曹元祐三年詔司農寺置長貳五年以本寺主簿兼檢法八年復置提轄修倉所紹聖元年詔罷官屬以其事歸將作監四年罷主簿添丞一員政和六年浙西諸州各置排岸一員從兩浙運副應安道請也所隸官屬凡五十

倉二十有五掌九穀廩藏之事以給官吏軍兵祿食之用凡綱運受納及封樁支用月具數以報司農草場十有二掌受京畿芻秣以給牧監飼秣排岸司四掌水運綱船輪輸雇直之事園苑四玉津瑞聖宜春瓊林苑掌種植蔬蒔以待供進修飭亭宇以備游幸宴設

下卸司掌受納綱運都麴院掌造麴以供內酒庫酒醴之用及出鬻以收其直水磨務掌水磑磨麥以供尚食及內外之用內柴炭庫掌薪炭以給官城及宿衛班直軍士薪炭席薦之物

炭場掌儲炭以供百司之用建炎三年罷司農寺以事務併隸倉部紹興三年復置丞二員凡有合行事務申戶部施行四年復置寺仍置卿少卿十年復置簿隆興元年併省主簿一員明年詔如舊制乾道三年詔糧綱有欠從本寺斷遣監納情理重者大理寺推勘分案五南北省倉草料場和糴場隸焉監倉官分上中下界司其出納諸場皆置監官外有監門官交糧則有檢察斛面官綱運下卸有排岸司官各分其事以佐本寺

豐儲倉所置監官二員監門官一員初紹興以上供米餘數樁管別廩以爲水旱之助後又增廣收糴淳熙間命右司爲之提領後以屬檢正非奉朝廷指揮不許支撥別置赤磨提領官結押不許妄同司農寺收支經常米數凡外州軍起到樁管米從司農寺差官盤量提納到數報本所樁管監官監門官遇考任滿所屬批書外仍於本所批書視其有無欠折以定其功過在外則鎮江建康亦置倉焉

太府寺 舊置判寺事一人以兩制或帶職朝官充同判寺一人以京朝官充凡廩藏貿易四方貢賦百官奉給時皆隸三司本寺但掌供祠祭香幣帨巾神席及校造斗升衡尺而已元豐官制行始正職掌置卿少卿各一人丞主簿各二人卿掌邦國財貨之政令及庫藏出納商稅平準貿易之事少卿爲之貳丞參領之凡四方貢賦之輸於京師者辨其名物視其多寡別而受之儲於內藏者以待非常之用頒於左藏者以供經常之費凡官吏軍兵奉祿賜予以法式頒之先給曆從有司檢察書其名數鈎覆而後給焉供奉之物則承旨以進審奏得畫乃聽除之若春秋授軍衣則前期進樣定其頒日畿內將校營兵支請月具其數以聞凡商賈之賦小賈即門征之大賈則輪於務貨之不售者平其價鬻於平準乘時賒貸以濟民用若質取於官則給用多寡各從其抵歲以香茶鹽鈔募入入豆穀實邊即京都闕用物預報度支凡課入以盈虧定課最行賞罰大祀晨祿則卿置幣奠玉則入陳玉帛餘祀供其帨巾分案九置吏六十有五元祐初以倉部郎官印發文鈔三年復歸本寺

又詔太府置長貳五年令長貳每月分巡所轄庫務
元符元年增置丞一員三年改市易案爲平準其市
易務亦如之崇寧中置藥局七所添丞一員點檢宜
和三年減罷靖康元年詔內外官司所依熙寧法
錢物並納左藏庫凡省一百五所又詔戶部太府寺
長貳當職官及本庫官吏俸錢俟在京官吏支散並
足方許支給從戶部尚書梅執禮之請也所隸官司
二十有五

左藏東西庫掌受四方財賦之入以待邦國之經費
給官吏軍兵奉祿賜予舊分南北兩庫政和六年修
建新庫以東西庫爲名

西京南京北京各置左藏庫

內藏庫掌受歲計之餘積以待邦國非常之用

奉宸庫掌供內庭凡金玉珠寶良賁賄藏焉

祗候庫掌受錢帛器皿衣服以備傳詔頒給及殿庭
賜予

元豐庫掌受諸路積剩及常平錢物凡封樁者皆入
焉

注神宗常憤契丹倔強慨然有恢復幽燕之志聚

金帛內帑自制四言詩一章曰五季失國僉仇孔

熾藝祖造邦思有懲艾爰設內府基以募士會孫

保之敢忘厥志每庫以詩一字目之儲積皆滿又

別置庫賦詩二十字分揭於庫曰每處夕惕心妄

意遵遺業願予不武姿何日成戎捷徽宗朝又有

崇寧庫大觀庫

布庫掌受諸道輪納之布辨其名物以待給用

茶庫掌受江浙荆湖建劍茶茗以給翰林諸司及賞

查出驚

雜物庫掌受內外雜輪之物以備支用

糧料院掌以法式頒稟祿凡文武百官諸司諸軍奉
料以券準給

審計司掌審其給受之數以法式驅磨

都商稅務掌收京城商旅之算以輪於左藏

汴河上下鎖禁河上下鎖掌收舟船木筏之征

都提舉市易司掌提點貿易貨物其上下界及諸州
市易務雜買賣務雜賣場皆隸焉

市易上界掌斂市之不售貨之滯於民用者乘時買
易以平百物之直

市易下界掌飛錢給券以通邊糴

雜買務掌和市百物凡官禁官府所需以時供納

雜賣場掌受內外幣餘之物計直以待出貨或準折
支用

權貨務掌折博斛斗金帛之屬

交引庫掌給印出納交引錢鈔之事

抵當所掌以官錢聽民質取而濟其緩急

和劑局惠民局掌修合良藥出賣以濟民疾

店宅務掌管官屋及邸店計直出佃及修造之事

石炭場掌受納出賣石炭

香藥庫掌出納外國貢獻及市舶香藥寶石之事

建炎詔罷太府寺以其所掌職務撥隸金部紹興元

年復以章德守太府寺丞措置印給茶鹽鈔引續添

置丞二員四年復置卿少各一員十年復置主簿十

一年詔交引庫書押鈔引丞兩員遇合推賞各與

減磨勘二年尋詔三丞一體行之隆興元年併省主

簿一員明年如舊制設案七以序次分管監交案隨

逐丞簿赴左藏庫監交看驗綱運錢物中興後所隸

惟有糧料院審計司左藏東西庫交引庫祗候庫和

刺庫惠民局如前制所置

左藏南庫

注係樁管御前激賞庫改

以待從官提領又置提轄檢察官一員

編估局打套局

注二局係揀選市舶香藥雜物等第會其直以待
貿易

寄椿庫

注掌發賣香藥匹帛拘其直歸於左藏南庫

置監官提領二人

太宗太平興國三年冬十二月己卯置三司推官巡
官

按宋史太宗本紀云云

太平興國八年春三月癸亥分三司各置使

按宋史太宗本紀云云

端拱二年冬十二月辛亥置三司都磨勘官

按宋史太宗本紀云云

淳化三年冬十一月己未置三司主轄收支官

按宋史太宗本紀云云

淳化四年夏五月戊申罷鹽鐵戶部度支等使置三
司使冬十月庚午南京爲左右計各署判官領之置

三司使二員己酉置三司總計度使

按宋史太宗本紀云云 按魏羽傳淳化四年併三
部爲一司以羽判三司先是三司簿領堆積吏緣爲

姦雖嘗更立新制未為適中是冬羽上言依唐制天下郡縣為十道兩京為左右計各署判官領之制三司使二員以羽為左計使董儼為右計使中分諸道以隸焉未久以非便罷按陳恕傳四年太宗從魏羽段惟一之請分三司為十道置左右計使以魏羽董儼分主之召恕為工部侍郎充總計使判左右計事左右計使分判十道事凡議論計度並令恕等參預恕以官司分隸政令互出難以經久極言其非便歲餘果罷復以恕為鹽鐵使時太宗留意金穀召三司使李溥等二十七人對於崇政殿詢以計司利害溥等言條目頗多不可以口占願給筆札以對太宗遣中黃門送詣相府限五日悉條上之溥等共上七十一事詔以四十四事付有司行之其十九事下恕等議可否遣知雜御史張乘中使張崇貴監議令中書籍其事專檢舉之無致廢格賜溥等白金絹錢悉補侍禁殿直領其職太宗謂宰相曰溥等條奏事頗有所長朕嘗語恕等若文章稽古此輩固不可望若錢穀利病頗自効至長寢處其中必周知根本卿等但假以顏色引令訓陳必有所益恕等剛強終不肯降意詢問呂端對曰耕當問奴織當問婢寇準曰夫子入太廟每事問乃以貴下賤先有司之義後數日太宗又曰國家歲入財數倍於唐唐中葉以降藩鎮擅命征賦多不入公家下陵上替經制隳壞若前代為得即已致太平豈復煩朕心慮也因召恕等責以職事曠廢恕等對曰今土宇至廣庶務至繁國用軍須所費浩瀚又遇諸州凡有災沴必盡蠲其租臣等每舉權利朝廷必以侵民為慮皆尼而不行縱使耿

受昌桑弘羊復生亦所不逮臣等竊力惟盡心簿領終不足上裨聖治太宗曰卿等清而不通專守繩墨終不能為國家度長聚大剖煩析滯只如京城倉庫主吏當改職者簿領中壹處節目未備即至十年五年不決以致貧無資給轉徙溝壑此卿等之過豈不傷和氣哉恕等頓首謝

淳化五年秋九月甲寅賜三司錢百萬募能言司事之利便者量事賞之

按宋史太宗本紀云云按陳恕傳五年賜三司錢百萬募更有能言本司不便者令恕等量事大小以錢賞之錢盡更給

至道二年議併三司官

按宋史太宗本紀不載按陳恕傳至道二年欲併三司命官總判其勾院磨勘理欠憑由支收行帳提點等司令恕條列其事以聞恕奏曰伏以封城度廣財穀繁多三司之中簿牒填委朝廷設法督責尤嚴官吏救過不暇若為三部各設主司擇才非難辦事亦易事辦過鮮不撓上心此亦一時之良策也其勾院磨勘兩司出於舊制關防之要莫加於此理欠憑由三司雖非舊設自理欠失序憑由散落故設三司專令典掌綱目咸具制置有倫連欠無失理之名憑由鮮流散之弊實亦要切不可廢除若兩司併委一官方及判官一員之事其主轄支收司先因從京支度財貨轉輸外地此除彼附照驗稽滯若京城得賢主史使居此司專行檢轄凡支撥官物便給除破文憑却於所司置簿記錄催到收附文記即乃勾銷簿書取捷之門亦為允當其行帳司近日權置了絕舊

帳帳目告盡司額自除提點司是中旨特置提振三司廢息之事固非有司敢得擬議也詔三司都憑由理欠司宜令為一處命官兼判應諸道逋負官物令三司逐部理約理欠司但總其所逋之數糾督之餘悉從恕奏

欽定古今圖書集成明倫彙編官常典

第三百九卷目錄

戶部部彙考三

金總一則

元總一則 世祖至元八則 成宗元貞一則

明總一則 太祖洪武一則

官常典第三百九卷

戶部部彙考三

金

金設戶部尚書侍郎統郎中員外之屬掌戶籍賦稅之政

按金史百官志六部國初與左右司通署天眷三年始分治戶部尚書一員正三品侍郎一員正四品

注 泰和八年減一員永安二年復增

郎中二員從五品

注 天德二年置五員泰和省作二員又作四員貞祐四年置八員五年作六員

員外郎三員從六品郎中而下皆以一員掌戶籍物

力婚姻繼嗣田宅財產鹽鐵酒麵香茶礬錫丹粉坑冶權場市易等事一員掌度支國用俸祿恩賜錢帛

寶貨實賦稅租府庫倉廩積貯權衡度量法式給授職田拘收官物并照磨計帳等事

注 泰和令作二員後增一員貞祐四年作六員又

作八員五年作四員

主事五員從七品女直司二員通掌戶度金倉等事漢人司三員同員外郎分掌曹事

注 泰和八年減一員貞祐四年作八員五年六員

兼提控編附條格管勾架閣等事

注 令史七十二人內女直十七人譯史五人通事

二人泰和八年增八人

架閣庫管勾一員正八品掌戶禮兩部架閣

注 大安三年以主事各兼之

同管勾從八品檢法從八品勾當官五員各八品貞

元二年設幹辦官十員從七品三年置四員尋罷之

四年更設爲勾當官專提控支納管勾勘覆經歷交

鈔及香茶鹽引照磨文帳等事

注 承安二年作四員貞祐四年作十五員五年作

十員興定元年五員二年復作十員

三司泰和八年省戶部官員置三司謂兼勸農鹽鐵

度支戶部三科也貞祐罷之使一員從二品副使一

員正三品簽三司事一員正四品同簽二司事一員

正五品掌勸農鹽鐵度支判官三員從六品本參幹

官大安元年更參議規措審計官三員正七品掌同

參幹官知事二員從七品

注 以識女直漢字人充

勾當官二員正八品

注 大安元年置三員照磨吏員七人

管勾架閣庫一員正八品

注 三司令史五十人內女直十人漢人四十人大

安元年增八人譯史二人大定元年增一人通事

二人

知法三員從八品

注 女直知法一員大安元年增二員

權貨務使從六品副使從七品掌發賣給隨路香茶

鹽鈔引

注 在京諸稅係中運司見錢皆權於本務收

交鈔庫使

注 舊正八品後陞從七品貞祐復

掌諸路交鈔及檢勘錢鈔換易收支之事副使從八

品掌書押印合同判官正九品

注 貞祐二年作從九品

都監二員

注 見泰和令

印造鈔引庫

注 大安二年兼抄紙坊

使從八品副正九品判正九品掌監視印造勘覆諸

路交鈔鹽引兼提控抄造鈔引紙

注 承安四年罷四小庫併罷庫判四員至寧元年

設二員貞祐二年作從九品

抄紙坊

注 大安二年以印造鈔引庫兼貞祐二年復置仍

設小都監二員

使從八品

注 貞祐二年同隨朝

副使正九品判從九品

交鈔庫物料場

注 至寧元年置

場官

注 舊正八品後作正九品

掌收支交鈔物料隨處交鈔庫鈔紙坊使從八品

注 貞祐二年設於上京西京北京東平大名益都

咸平眞定河間平陽太原京兆平涼廣寧等府瑞

蔚平清通順薊等州貞祐三年罷之

平準務

注 元光二年五月設十月罷

使從六品副使從七品勾當官六員

右自權貨務以下皆屬尚書戶部

元

元設戶部掌天下戶口錢糧田土之政令以尚書侍

郎統郎官員外之屬又設大司農司

按元史百官志戶部尚書三員正三品侍郎二員正

四品郎中二員從五品員外郎三員從六品掌天下

戶口錢糧田土之政令凡貢賦出納之經金幣轉運

之法府藏委積之實物貨賈賤之直斂散准駁之宜

悉以任之中統元年以吏戶禮爲左三部尚書二員

侍郎二員郎中四員員外郎六員至元元年分立戶

部尚書三員侍郎郎中四員員外郎省爲三員二年

復爲左三部五年復分爲戶部尚書一員侍郎郎中

各一員員外郎又省爲三員七年始列尚書六部尚

書二員侍郎二員郎中二員員外郎如故十三年尚

書增置一員侍郎郎中員外郎如故十九年郎中員

外郎俱增至四員二十三年六部尚書侍郎郎中定

以二員爲額明年以戶部所掌視他部特爲繁劇增

置一員成宗大德五年省尚書一員員外郎亦省一

員各設三員主事八員蒙古必閣赤七人令史六十

一人回同令史六人怯里馬赤一人知印二人奏差
三十二人蒙古書寫一人典史二十二二人司計官四
人其屬附見於後

都提舉萬億寶源庫掌寶鈔玉器至元二十五年始
置都提舉一員正四品提舉一員正五品同提舉一

員從五品副提舉一員從六品知事一員從八品提

控案牘一員司吏二十三人譯史二人司庫四十六

人內以色目二人參之

都提舉萬億廣源庫掌香藥紙劄諸物設置同上提

控案牘二員司吏一十二人譯史一人司庫一十三

人

都提舉萬億綺源庫掌諸色段疋設置並同上而副

提舉則增一員提控案牘設三員後省二員司吏二

十二人譯史一人司庫二十六人內參用色目二人

都提舉萬億賦源庫掌絲綿布帛諸物設置並同上

提控案牘二員其後省一員司吏一十七人譯史一

人司庫一十五人內參用色目二人

四庫照磨兼架閣庫管勾一員從九品世祖至元二

十八年以四庫錢帛事繁始置一員仍給印

提舉富寧庫至元二十七年始創提舉一員從五品

同提舉一員從六品副提舉一員從七品分掌萬億

寶源庫出納金銀之事吏目一人其後司吏增至六

人譯史一人司庫八人

諸路寶鈔提舉司達魯花赤一員正四品都提舉一

員正四品副達魯花赤一員正五品提舉一員正五

品同提舉一員從五品副提舉二員從六品知事一

員從八品照磨一員從九品國初戶部兼領交鈔公

事世祖至元始設交鈔提舉司秩正五品二十四年
改諸路寶鈔都提舉司陞正四品增副達魯花赤提
控案牘各一員其後定置已上官員提控案牘又增
一員設司吏十二人蒙古必閣赤一人回同令史一
人奏差七人

寶鈔總庫達魯花赤一員從五品大使一員從五品

副使三員正七品世祖至元二十五年改元寶庫爲

寶鈔庫秩正六品二十六年陞從五品增大使副使

設司庫其後遂定置已上官員司吏七人譯史一人

司庫五十人

印造寶鈔庫達魯花赤一員正七品大使二員從七

品副使二員正八品中統四年始置秩從八品至元

二十四年陞從七品增達魯花赤一人其後遂定置

已上官員

燒鈔東西二庫達魯花赤一員正八品大使一員從

八品副使一員從九品至元元年始置昏鈔庫用正

九品印置監燒昏鈔官二十四年分立燒鈔東西二

庫秩從八品各置達魯花赤大使副使等員

行用六庫中統元年初立中都行用庫秩從七品提

領一員從七品大使一員從八品副使一員從九品

至元二十四年京師改置庫者三曰光照曰文明曰

順承因城門之名爲額二十六年又置三庫曰健德

曰和義曰崇仁並因城門以爲名

大都宣課提舉司掌諸色課程併領京城各市提舉

二員從五品同提舉一員從六品副提舉一員從七

品提控案牘一員司吏六人世祖至元十九年併大

都舊城兩稅務爲大都稅課提舉司至武宗至大元

年改宣課提舉司其屬四

馬市猪羊市秩從七品提領一員從七品大使一員
從八品副使一員從九品世祖至元三十年始置
牛驢市果木市品秩設官同上

魚蟹市大使一員副使二員至大元年始置

煤木所提領一員從八品大使一員從九品副使一
員至元二十二年始置

大都酒課提舉司掌酒醋榷酤之事至元十九年始
置提舉一員從五品同提舉二員從六品副提舉二

員從七品提控案牘二員司吏五人二十八年省同
提舉一員副提舉一員餘如故

抄紙坊提領一員正八品大使一員從八品副使二
員從九品中統四年始置用九品印止設大使副使
各一員至元二十七年陞正八品增置提領副使各
一員

印造鹽茶等引局大使一員副使一員至元二十四
年置掌印造腹裏行省鹽茶礬鐵等引仍置攢典庫
子各一人

右已上屬戶部其萬億四庫國初以太府掌內帑之
出納既設左藏等庫而國計之領在戶部仍置萬億
等庫爲收藏之府中統元年置庫官六員而未有品
秩俸給至元十六年始爲提舉萬億庫秩正五品二
十四年改陞都提舉萬億庫秩正四品二十五年分
立四庫以分掌出納至二十七年又別立富寧庫焉
京畿都漕運使司秩正三品運使二員正三品同知
二員正四品副使二員正五品判官二員正六品經
歷一員正七品知事一員從八品提控案牘兼照磨

二員掌凡漕運之事世祖中統二年初立軍儲所尋
改漕運所至元五年改漕運司秩五品十二年改都

漕運司秩五品十九年改京畿都漕運使司秩正三
品二十四年內外分立兩運司而京畿都漕運司之
額如舊止領在京諸倉出納糧斛及新運糧提舉司

站車攢運公事省同知運判知事各一員而押綱官
隸焉延祐六年增同知副使運判各一員其後定置
官員已上正官各二員首領官四員吏屬令史二十

一人譯史二人同回令史一人通事一人知印二人
奏差一十六人典史二人其屬二十有四

新運糧提舉司秩正五品至元十六年始置管站車
二百五十輛隸兵部開設運糧堤河改隸戶部定置
達魯花赤一員都提舉一員同提舉二員副提舉一

員吏目一員司吏八人奏差十二人
京師二十一倉秩正七品

萬斯北倉中統二年置萬斯南倉至元二十四年置
于斯倉中統二年置末平倉至元十六年置永濟倉
至元四年置惟億倉既盈倉大有倉並係皇慶元年

置慶豐倉積貯倉並係皇慶元年增置已上十倉每
倉各置監支納一員正七品大使二員從七品副使
二員正八品

豐穰倉皇慶元年置廣濟倉皇慶元年置廣衍倉至
元二十九年置大積倉至元二十八年置既積倉盈
衍倉至元二十六年置相因倉中統二年置順濟倉

至元二十九年置已上八倉每倉各置監支納一員
正七品大使一員從七品副使二員正八品

通濟倉中統二年置慶貯倉至元四年置豐潤倉至

元十六年置豐實倉年置已上四倉每倉各置監
支納一員正七品大使一員從七品副使一員正八
品

通惠河運糧千戶所秩正五品掌漕運之事至元三
十一年始置中千戶一員中副千戶二員

都漕運使司秩正三品掌御河上下至直沽河西務
李二寺通州等處僱運糧斛至元二十四年自京畿
運司分立都漕運司於河西務置總司分司臨清運

使二員正三品同知二員正四品副使二員正五品
運判三員正六品經歷一員從七品知事一員從八
品提控案牘二員內一員兼照磨司吏三十三人通

事譯史各一人奏差一十六人典史一人其屬七十
有五

河西務十四倉秩正七品
永備南倉永備北倉廣盈南倉廣盈北倉充溢倉已
上五倉各置監支納一員正七品大使二員從七品

副使二員正八品
崇墉倉大盈倉大京倉大稔倉足用倉豐儲倉豐積
倉恆足倉既備倉已上九倉各置監支納一員正七

品大使一員從七品副使一員正八品通州十三倉
秩正七品

有年倉富有倉廣儲倉盈止倉及秭倉迺積倉樂歲
倉慶豐倉延豐倉已上九倉各置監支納一員正七
品大使二員從七品副使二員正八品

足食倉富儲倉富衍倉及衍倉已上四倉各置監支
納一員正七品大使二員從七品副使一員正八品
河倉一十有七用從七品印